



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL
PANELI ZGJEDHOR PËR ANKESA DHE PARASHTRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

ZL-Anr.89/2025

PANELI ZGJEDHOR PËR ANKESA DHE PARASHTRESA (PZAP), në panelin e përbërë nga gjyqtarët: Arsim Hamzaj - kryesues, Kymete Kicaj dhe Skender Çoçaj - anëtarë, duke vendosur përkitazi me ankesën e Subjektit Politik Lista Serbe , me seli në Leposaviq , paraqitur kundër Subjektit Politik GI Novo Lice Narodna Pravda për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, gjatë fushatës zgjedhore, për Zgjedhjet Lokale në Republikën e Kosovës që do të mbahen më datë 12.10.2025, në seancën e panelit të mbajtur më datë 03.10.2025, merr këtë:

V E N D I M

I. Pranohet e bazuar ankesa e subjektit politik Lista Serbe me seli në Leposaviq, ZL-Anr.89/2025 e datës 01.10.2025.

II. Subjektit politik “GI Novo Lice Narodna Pravda” , për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, i shqiptohet dënimi më gjobë në lartësi prej 500.00, (pesëqind) Euro.

III. Detyrohet Subjekti Politik, GI Novo Lice Narodna Pravda që gjobën e shqiptuar si në pikën -II- të dispozitivit të këtij vendimi, ta paguaj në afat prej 15 ditëve, nga dita e plotfuqishmërisë së këtij vendimi.

A r s y e t i m

Me datë 01.10.2025 PZAP-i, ka pranuar një ankesë nga subjekti Lista Serbe ku pretendon se më datë 30 Shtator 2025, në komunën e Leposaviqit, aktivistët e Listës Serbe vunë re se subjekti politik "GI Novo Lice Narodna Pravda" në këtë komunë ka ngjitur materialin e tyre promovues në një shtyllë elektrike, duke shkelur kështu Rregulloren Zgjedhore nr. 7/2024. Si provë parashtguesi i ankesës ka bashkangjitur një fotografi që dëshmon vendosjen e banerit/posterit në kundërshtim me rregulloren zgjedhore.

Në përgjigjen në ankesë të Subjektit Politik GI Novo Lice - Narodna Pravda theksojnë se aktivistët e tyre i ngjiten afishat më dt. 25.09.2025, dhe atë vetëm në dy lokale private: lokali i parë në pronësi të Boban Petroviqit dhe i dyti në një lokal në pronësi të Zvonko Vukiçevićit. Tutje shtojnë se këto fakte mund t'i konfirmojnë personalisht pronarët. Më 30.09.2025, pronari i lokalit në Soçanicë, Zvonko Vukiçević, vuri re se afishat ishin hequr nga objekti i tij, gjë që ai është i gatshëm ta konfirmojë. Ata pretendojnë se afishat janë hequr me qëllim dhe më pas ngjitur në një vend tjetër për të krijuar një pretendim të parregullsisë dhe në këtë mënyrë të komprometohet iniciativa e tyre. Sipas tyre besojnë se në këtë mënyrë po përpiqet të diskreditohet puna tyre politike pas tubimeve të suksesshme para zgjedhore të mbajtura në Mitrovicën e Veriut, Zubin Potok dhe fshatin Dobravë. Si provë ka bashkëngjitur fotot e largimit të posterave nga dy lokalet e lartpërmendura.

Paneli Zgjedhor për Ankesa dhe Parashtresa-PZAP, pasi shqyrtimit të ankesës, dhe shkresave të lëndës, gjeti se:

- Ankesa është e bazuar.

Paneli pas shikimit të shkresave të lëndës dhe përgjigjes në ankesë të paraqitur nga subjekti politik GI Novo Lice Narodna Pravda, vlerësoj se pretendimet e Subjektit Politik Lista Serbe, janë të qëndrueshme dhe si të tilla i aprovoj për faktin se veprimet e përshkruara në ankesë paraqesin shkelje nga ana e subjektit politik GI Novo Lice Narodna Pravda ka vendosur banerë/poster në shtyllë elektrike, ku me këto veprime ka shkelur dispozitat e nenit 34 paragrafi 1 nën paragrafi 1.2 i Ligjit NR.08/L-228, për Zgjedhjet e Përgjithshme në Republikën e Kosovës, ku parashihet se *“Vendosja e njoftimeve, pllakateve dhe posterëve, ose përndryshe vendosja e emrave të tyre ose sloganeve në lidhje me fushatën zgjedhore brenda ose jashtë ndërtesave publike ose godinave në apo mbi rrugët publike, në shenjat publike të trafikut brenda ose jashtë hapësirave ose ndërtesave të zëna ose ndryshe që shfrytëzohen nga organizatat ndërkombëtare ose brenda ose në hapësirat private pa lejen e pronareve ose shfrytëzuesve.”*

Tutje, Subjekti Politik “GI Novo Lice Narodna Pravda”, ka qenë i njoftuar me obligimet dhe përgjegjësitë gjatë procesit të fushatës zgjedhore. Andaj vendosja e posterëve-njoftimeve të subjektit të tyre politik për fushatë zgjedhore në objekte publike, gjegjësisht në shtyllë dhe në trafo të energjisë elektrike në Leposaviq, përbën shkelje të legjislacionit zgjedhor, dhe të njëjtat shkelje janë sanksionuar me dispozitat ligjore të LZP-së.

Andaj duke u mbështetur në nenin 117.3 të LZP-së ku përcaktohet se: *“vendosja për ankesat nga PZAP-ja mbështetet në dëshmi të qarta dhe bindëse”*, Paneli vlerësoj se pretendimet e tilla janë të qëndrueshme dhe si të tilla i pranoi, sepse kjo shkelje ka të bëjë me faktin se Kodi i Mirësjelljes i detyron të gjitha subjektet politike, kandidatët, anëtarët e subjekteve dhe mbështetësit e tyre që ta respektojnë këtë kod me qëllim të krijimit të kushteve që gjatë periudhës

së fushatës, veprimet e subjekteve politik të jenë në një atmosferë të tolerancës demokracisë, paqes dhe respektit për sundimin e ligjit se nga veprimet e përshkruara në ankesë nga parashtruesi i ankesës paraqesin shkelje të dispozitave të lartcekura, dhe të njëjtën e pranoi si të bazuar.

Nga arsyet e theksuar më lartë duke bazuar nenin 117 paragrafi 3, neni 118 paragrafi 1 dhe neni 120 paragrafi 1 nen paraf 1.3 të LZP-së, të LZP-së, paneli vendosi si në dispozitiv të këtij vendimi.

Paneli Zgjedhor për Ankesa dhe Parashtresa
ZL-Anr.89/2025 datë 03.10.2025

Kryesues i Panelit
Arsim Hamzaj



KËSHILLA JURIDIKE: Kundër këtij vendimi nuk lejohet ankesa konform nenit 118 par. 4 të Ligji Nr.08/L-228 për Zgjedhjet e Përgjithshme në Republikën e Kosovës.